

## **Atuilluartaunissamik suliniutinut agguaatassiat – siunertaq, piumasaqaatit aalajangersakkallu**

### Siunertaq

Qeqqata Kommunia 2020-mi inuiaqatigiinni atuilluartaunissanimik anguniagaqarpoq. Tamatumunnga atatillugu atuilluartaunissamik suliniutinut agguaatassianik immikkoortitsisoqarnikuulluni.

Atuilluartaunissamik suliniutinut agguaatassiatigut siunertaavoq, innuttaasut, peqatigiiffiit suliniaqatigiiffiillu kajumissutsimikkut suliniutaat tapersersussallugit, tassa inuiaqatigiit imminnut napatilluarsinnaasut kissaatigalugit suliniuteqarfippatigut.

Atuilluartaunissamik suliniutinut agguaatassiat ukiumut marloriarluni oktobarip 1-ani apriliillu 1-ani qinnutfigineqarsinnaassapput.

### Tapiissuteqarsinnaanissamut piumasaqaatit aalajangersakkallu

Tapiissutit tunniunneqarsinnaassassapput matuma kinguliani piumasaqaatini ataaseq arlallilluunniit naammassineqarsimappata:

- Suliniutit atuilluartaunissamik ersarissumik siunertaqarpata. Atuilluartaunissaq imartuujuvoq, taamalu isumaginninnemik, ilinniartitaanemik, teknikkimik, avatangiisinik imaluunniit inuutissarsiteqarnemik pingaartitaqartuussinnaallutik. Imaluunniit taakkunanga arlallit imarisinnaallugit.
- Suliniutit ataatsimuussutsimik pilersitsinissamut ilapertuutaasinnaasut.
- Suliniutit innuttaasunik immikkut pisariaqartitsisunik akuutitsilluartut.
- Suliniutit peqataasunut peqqinerulissutaasinnaasut.
- Suliniutit peqataasut ilisimasaasigut ilinniagaqarnemikkulluunniit iluaqutigisinnaasaat.
- Suliniutit illoqarfinni/nunaqarfinni nunaannarmiluunniit avatangiisinik pitsaanerulersitsisinnaasut.

Piumasaqaatit allat:

- Suliniutit peqatigiiffinnik kajumissutsimikkut suliniuteqaqaataasut, peqatigiiffilluunniit akornanni kajumissutsikkut suliniuteqaateqarfiusut.
- Suliniutit atuilluartaunissamik paasititsiniutaaffiusut (soorlu paasititsiniaaniutit).
- Suliniutit, siunnerfintut atuilluartaunissamilluunniit suliniutitut nutaamik eqqarsalersitsisinnaasut.

Tulliuttunut tapiissuteqartoqarsinnaanngilaq:

- Akissarsiatigut ingerlatsinikkullu aningaasartuutinut. Suliniutit kajumissutsimik soqutiginninnermillu aallaaveqassapput, taamaattumillu aningaasatigut iluanaarniutaasussaanaatik. Peqatigitillugu imminnut akilerluarsinnaasuussapput, imatut paasillugu, akissarsiaqartitsinani suliarineqassasut, taamalu kommunip ataatsimoortumik missingersuutaasigut sunniuteqartussaasussaanaatik. Taamaattorli aallarnisarnermi immikkut pisoqarsinnaalluni.
- Kajumissutsimik suliniutaasussaapput, siulersuisut sulinerinik aallaveqartussaallutik.
- Suliniutinut kiisalu politikkikkut, upperisarsiornikkut, aliikkusersuinertigut iluanaarniarnermilluunniit peqatigiiffiit siunertallit.
- Nuna tamakkerlugu suliniutit.

Qinnuteqaateqarneq

- Suliniummik allartitsinnginnermi ingerlatinneqassaaq, taamalu suliniut tapiiffiqarsinnaassanersoq paasitinnagu allartittariaqarani.
- Suliniutip aallartinneraniit qaammatit pingasut qaangiunnerisigut, suliniut qanoq ingerlanersoq naatsumik allaaseralugu tunniunneqassaaq, peqataasut qassinut naliliinerit il.il., taamatullu aamma naatsorsuutit.

- Qinnuteqafissatut piffissaliussa qaanngiuppat, aqutsisoqatigiit qinnuteqaatit suliarissavaat.

**Qinnuteqaat uunga nassiunneqassaaq:**

Qeqqata Kommunia

Makkorsip Aqq. 2

Postboks 1014

3911 Sisimiut

imaluunniit mail: [qeqqata@qeqqata.gl](mailto:qeqqata@qeqqata.gl)